



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՔԱՂԱՔԱՇԻՆՈՒԹՅԱՆ, ՏԵԽՆԻԿԱԿԱՆ ԵՎ ՀՐԴԵՀԱՅԻՆ  
ԱՆՎՏԱՆԳՈՒԹՅԱՆ ՏԵՍՉԱԿԱՆ ՄԱՐՄՆԻ  
ԿԱՌԱՎԱՐՄԱՆ ԽՈՐՀՈՒՐԴ  
Ո Ր Ո Շ ՈՒ Մ N 10-Լ**

26.09.2019թ.

ք. Երևան

Ղեկավարվելով ՀՀ Տեսչական մարմինների մասին ՀՀ օրենքի 7-րդ կետի, 1.1 ենթակետով և հիմք ընդունելով ՀՀ կառավարության 08.08.2019թ-ի, N 1000-Ն որոշման, 24-րդ կետը և ՀՀ վարչապետի 2018թ. հունիսի 11-ի թիվ 730-Լ որոշման հավելվածի 16-րդ կետի 2-րդ ենթակետով՝ Կառավարման խորհուրդը

**Ո Ր Ո Շ Ե Ց**

Հավանություն տալ «Հայաստանի Հանրապետության կառավարության 2005 թվականի դեկտեմբերի 22-ի N 2399-Ն որոշման մեջ փոփոխություններ և լրացումներ կատարելու մասին» Հայաստանի Հանրապետության կառավարության որոշման նախագծին հավելվածի:

Կառավարման խորհրդի նախագահ

ՖԵԼԻՔՍ ՅՈԼԱԿՅԱՆ

ՀԱՎԵԼՎԱԾ

Հայաստանի Հանրապետության կառավարության  
2005 թվականի դեկտեմբերի 22-ի N 2399-Ն որոշման մեջ  
փոփոխություններ և լրացումներ կատարելու մասին»  
ՀՀ կառավարության որոշման նախագիծ ,  
հաստատված է ՀՀ Քաղաքաշինության, տեխնիկական և հրդեհային  
անվտանգության տեսչական մարմնի,  
կառավարման խորհուրդի 26.09.2019թ-ի 7-Լ որոշմամբ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ  
ՈՐՈՇՈՒՄ**

\_\_\_\_\_ 2019 թվականի N -Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2005 ԹՎԱԿԱՆԻ  
ԴԵԿՏԵՄԲԵՐԻ 22-Ի N 2399-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ  
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով «Նորմատիվ իրավական ակտերի մասին» ՀՀ օրենքի 33-րդ և 34-րդ հոդվածները՝ Հայաստանի Հանրապետության կառավարությունը որոշում է.

1. «Անվտանգության կանոնները գազի տնտեսությունում» տեխնիկական կանոնակարգը հաստատելու մասին» Հայաստանի Հանրապետության կառավարության 2005 թվականի դեկտեմբերի 22-ի N 2399-Ն որոշման (այսուհետ՝ Որոշում) մեջ կատարել հետևյալ փոփոխությունները և լրացումները.

1) Որոշման հավելված N 13-ի վերնագիրը «պահեստարաններից» բառից հետո լրացնել «և լցարկիչներից» բառերով.

2) Որոշման հավելված N 13-ի աղյուսակը (այսուհետ՝ Աղյուսակ) լրացնել հետևյալ բովանդակությամբ 1-ին տողով.

1	մինչև 50	10	50	25
		20	60	30
		50	70	35

3) Աղյուսակի հետագա համարակալումն իրականացնել ըստ առաջարկվող լրացման:

2. Որոշումը լրացնել N 41, N 42 և N 43 հավելվածներով՝ համաձայն հավելվածի:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

Հայաստանի Հանրապետության  
վարչապետ

Ն. Փաշինյան

Հավելված  
Հայաստանի Հանրապետության կառավարության  
2019 թվականի \_\_\_\_\_ N -Ն որոշման

Հավելված N 41  
«Անվտանգության կանոնները գազի  
տնտեսությունում» տեխնիկական  
կանոնակարգի

Նվազագույն հեռավորությունները ԱԳԼՃԿ-ից (կոմպրեսոր, կուտակիչ, լցարկիչ) մինչև ԱԳԼՃԿ-ին չպատկանող  
շենքերն ու շինությունները (մ)

1. Բնակելի և հասարակական շենքեր.....50
2. Մշակութային կազմակերպություններ, մանկական և բուժ. կազմակերպություններ,  
ուսումնական հաստատություններ.....75
3. Արտադրական շենքեր.....50\*
4. Հրդեհապայթյունավտանգ, քիմիական և ռադիոակտիվ վտանգավոր նյութեր պարունակող  
շենքեր և տեխնոլոգիական սարքավորումներ.....75
5. Ընդհանուր ցանցի երկաթուղիներ (լիքքի ստորոտից).....50
6. Մերձատար երկաթուղիներ.....30
7. Ավտոմոբիլային ճանապարհներ (մինչև երթուղու եզրը).....12\*\*
9. ԱԳԼՃԿ-ից մինչև այն վայրերը, որտեղ միաժամանակ կարող են գտնվել 800 մարդուց ավելի  
(մարզադաշտերը, շուկաներ, զբոսայգիներ և այլն), սույն հավելվածի 1. և 2. ենթակետերում  
նշված հեռավորությունները պետք է ավելացնել 2 անգամ:

\* Նշված հեռավորությունը կարող է նվազեցվել մինչև 30մ, պայմանով, որ պաշտպանվող օբյեկտը  
ԱԳԼՃԿ-ի ուղղությամբ ունենա հակահրդեհային խուլ պատ, կամ կկառուցվեն պատնեշներ, որոնք  
կբացառեն գազի շիթի և բեկորների արտանետումը հորիզոնական ուղղությամբ դեպի  
պաշտպանվող օբյեկտ:

\*\* Միջպետական և հանրապետական ճանապարհների դեպքում անհրաժեշտ է առանջնորդվել  
ՀՀ կառավարության 29 դեկտեմբերի 2005 թվականի N 2404-Ն որոշմամբ:

Հավելված N 42  
«Անվտանգության կանոնները գազի  
տնտեսությունում» տեխնիկական  
կանոնակարգի

Նվազագույն հեռավորությունները ԱԳԼՃԿ-ի տարածքում իրեն պատկանող շինությունների և սարքավորումների  
միջև (մ)

1. Գազի կուտակիչներից մինչև՝



- կոմպրեսորային կայան.....կոմպրեսորային կայանի բարձրությունից առնվազն 1,5մ ավելի	
- լցավորման սյունակներ.....	15
- ավտոտեխսպասարկման շենքեր, ավտոլվացման կետեր, կաթսայատուն, պահեստներ.....	30
- տարածքի ցանկապատ.....	5
2. Կոմպրեսորային կայանից մինչև՝	
- լցավորման սյունակներ.....	6
- ավտոտեխսպասարկման շենքեր, ավտոլվացման կետեր, կաթսայատուն, պահեստներ.....	25
3. Լցավորման սյունակներից մինչև ավտոտեխսպասարկման շենքեր, ավտոլվացման կետեր, կաթսայատուն, պահեստներ.....	20
4. Սպասարահից, սննդի կետից և սանիտարական հանգույցից մինչև՝	
- լցավորման սյունակներ.....	20
- կոմպրեսորային կայան.....	25
- գազի կուտակիչներ.....	35
5. Օպերատորական շինությունից մինչև գազալցակայանին պատկանող շինություններ և տեխնոլոգիական սարքավորումներ.....	9

Գազի կուտակիչները պետք է տեղադրել ստորգետնյա:  
Լցավորման մեկ կղզյակում միաժամանակ պետք է լցավորել ոչ ավել քան մեկ ավտոմեքենա:  
Լցավորման կղզյակները պետք է իրարից բաժանել պաշտպանական էկրանով՝ բետոնե պատով:

Հավելված N 43  
«Անվտանգության կանոնները գազի տնտեսությունում» տեխնիկական կանոնակարգի

Նվազագույն հեռավորությունները ԱԳԼԿ-ների և համատեղված (հեղուկացված ածխաջրածնային գազ, սեղմված բնական գազ, բենզին, դիզելային վառելանյութ) լցակայանի տարածքում իրեն պատկանող շինությունների և սարքավորումների միջև (մ)

1. Օպերատորական շինությունից մինչև գազալցակայանին պատկանող շինություններ և տեխնոլոգիական սարքավորումներ.....	9
2. Սպասարահից, սննդի կետից և սանիտարական հանգույցից մինչև՝	
- ՀԱԳ լցավորման սյունակներ.....	15
- ՀԱԳ գազամբարներ.....	20
3. ՀԱԳ լցավորման սյունակներից և ՀԱԳ գազամբարներից մինչև ավտոտեխսպասարկման շենքեր և ավտոլվացման կետեր.....	20
4. ՀԱԳ լցավորման սյունակներից մինչև սեղմված բնական գազի և բենզինի լցավորման սյունակներ.....	4
5. Սեղմված բնական գազի լցավորման սյունակներից մինչև բենզինի լցավորման սյունակներ.....	8
6. ՀԱԳ ստորգետնյա գազամբարներից և հեղուկ վառելանյութի ստորգետնյա տարողություններից մինչև ԱԳԼՃԿ-ի կուտակիչներ.....	10

7. ՀԱԳ ստորգետնյա գազամբարների և հեղուկ վառելանյութի ստորգետնյա տարողությունների միջև հեռավորությունը պետք է լինի՝

- վերգետնյա տարողությունների միջև.....մոտակա ամենամեծ տարողության տրամագծից ոչ պակաս, բայց առնվազն 2 մ,
- ստորգետնյա տարողությունների միջև.....մոտակա ամենամեծ տարողության տրամագծի կեսից ոչ պակաս, բայց առնվազն 1 մ:

## Հ Ի Մ Ն Ա Վ Ո Ր ՈՒ Մ

**«ԱՆՎՏԱՆԳՈՒԹՅԱՆ ԿԱՆՈՆՆԵՐԸ ԳԱԶԻ ՏՆՏԵՍՈՒԹՅՈՒՆՈՒՄ» ՏԵԽՆԻԿԱԿԱՆ ԿԱՆՈՆԱԿԱՐԳԸ ՀԱՍՏԱՏԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2005 ԹՎԱԿԱՆԻ ԴԵԿՏԵՄԲԵՐԻ 22-Ի N 2399-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՀՀ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ**

**Անհրաժեշտությունը.** ՀՀ կառավարության 2005 թվականի դեկտեմբերի 22-ի N 2399-ն որոշմամբ (այսուհետ՝ Որոշում) հաստատված տեխնիկական կանոնակարգում լրացումներ և փոփոխություններ կատարելու անհրաժեշտությունը պայմանավորված է այն հանգամանքով, որ Հայաստանի Հանրապետությունում ավելացել է հեղուկ գազով լցակայանների պահանջարկը, որոնք նախատեսվում և կառուցվում են ինչպես առանձին, այնպես էլ գոյություն ունեցող բենզալցակայանների կամ ավտոմեքենաների գազալցման ճնշակայանների (այսուհետ՝ ԱԳԼՃԿ) տարածքներում:

Եզրակացություններ տրամադրելու, հնարավոր բարդություններից զերծ մնալու, անհրաժեշտ կանխարգելիչ միջոցառումներ իրականացնելու և հարակից տարածքում բնակվող բնակիչների անվտանգությունն ապահովելու նպատակով անհրաժեշտ է փոփոխություններ և լրացումներ կատարել համապատասխան նորմատիվ իրավական ակտերում:

**Ընթացիկ վիճակը.** Հրդեհային և տեխնիկական անվտանգության ոլորտին առնչվող գործող նորմատիվատեխնիկական փաստաթղթերում ոչ լիարժեք են սահմանված ԱԳԼՃԿ-ների և մեկ լցակայանի տարածքում տարբեր տիպի վառելանյութերով (սեղմված բնական գազ, հեղուկ գազ, բենզին, դիզել և այն) լցավորման պահանջները:

**Ակնկալվող արդյունքը.** Որոշման նախագծի ընդունմամբ կնորմավորվեն և կհստակեցվեն լցակայանների հեռավորությունները այլ շինություններից, գործող և նոր կառուցվող համատեղված



լցակայանների տարածքում լցակայանին պատկանող շինությունների և սարքավորումների միջև հակահրդեհային միջտարածությունները:

**Նախագծի մշակման գործընթացում ներգրավված ինստիտուտները և անձինք.**  
Որոշման նախագիծը մշակվել է ՀՀ քաղաքաշինության, տեխնիկական և հրդեհային անվտանգության տեսչական մարմնի կողմից:

### **Տ Ե Ղ Ե Կ Ա Ն Ք Ո 1**

**«ԱՆՎՏԱՆԳՈՒԹՅԱՆ ԿԱՆՈՆՆԵՐԸ ԳԱԶԻ ՏՆՏԵՍՈՒԹՅՈՒՆՈՒՄ» ՏԵԽՆԻԿԱԿԱՆ ԿԱՆՈՆԱԿԱՐԳԸ ՀԱՍՏԱՏԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2005 ԹՎԱԿԱՆԻ ԴԵԿՏԵՄԲԵՐԻ 22-Ի N 2399-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՀՀ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ՆՈՐՄԱՏԻՎ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ**

Որոշման նախագծի ընդունման կապակցությամբ անհրաժեշտություն է առաջանում փոփոխություններ և լրացումներ կատարելու ՀՀ քաղաքաշինության նախարարի 2004 թվականի մարտի 26-ի № 29-Ն հրամանով հաստատված ՀՀՇՆ IV-12.03.01-04 «Գազաքաշխիչ համակարգեր» շինարարական նորմերում:

### **Տ Ե Ղ Ե Կ Ա Ն Ք Ո 2**

**«ԱՆՎՏԱՆԳՈՒԹՅԱՆ ԿԱՆՈՆՆԵՐԸ ԳԱԶԻ ՏՆՏԵՍՈՒԹՅՈՒՆՈՒՄ» ՏԵԽՆԻԿԱԿԱՆ ԿԱՆՈՆԱԿԱՐԳԸ ՀԱՍՏԱՏԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2005 ԹՎԱԿԱՆԻ ԴԵԿՏԵՄԲԵՐԻ 22-Ի N 2399-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՀՀ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ՊԵՏԱԿԱՆ ԿԱՄ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄՆԻ ԲՅՈՒՋԵՌԻ ԵՎ ԾԱԽՍԵՐԻ ԷԱԿԱՆ ԱՎԵԼԱՑՄԱՆ ԿԱՄ ՆՎԱԶԵՑՄԱՆ ՄԱՍԻՆ**

Որոշման նախագծի ընդունման կապակցությամբ պետական կամ տեղական ինքնակառավարման մարմնի բյուջեում եկամուտների և ծախսերի էական ավելացում կամ նվազեցում չի նախատեսվում: